

口無事免罪失覺察不適當委無心力論  
即牒所屬差換

諸廟神樹神等偷盜人家物色者杖一百拖  
延欺瞞者流罪係官廟祭祀者加一等或  
被放火走火者流三千里配罪本家神祇  
知情同罪或力不及者免

諸邪神害人民六畜攝生病者杖八十死傷  
者或偷盜者並徒三年編管千里本家六  
神不能自主放令外鬼偷盜和合者同罪  
邪神聚眾力不及制者免罪

諸邪神犯奸欺人家婢子者徒三年編管五  
百里病患亡者絞因染而死者斬

諸邪神犯奸者分等降邪神者或經法官治  
者若諸正神受祭祀者法外論  
諸邪神犯奸於尊長者曾受符籙驅而不去

者拒逆者絞牒送鄴都行遣正神知而故  
犯者送鄴都勘斷施行

諸山林樹木成器者或有廟堂輒求祭祀者  
法當杖八十  
諸依草附木為神耗損人家資財及六畜之

類者杖一百

諸邪神依草附木或憑人家男女通名禍福  
求血食祭無受錢財等徒三年

諸瘟神附人家女發猖狂妄走失禮樂人事  
者徒三年藥餌符籙禁而不愈至死者斬  
在外游家神可免罪

諸水神溺水死人者或天限未滿有人陳訴  
者當徒  
諸水神鬼崇欲人代者或有天年未盡者絞  
牒送依法施行

道法會元卷之二百五十二

道法會元卷之二百五十三

地祇法

五雷經云錄火鈴仙官劉玉述

地祇一法凡數十階溫將軍專司亦十餘本  
使學者莫之適從余初得之盛仙官椿繼得  
之李真君守道再得之於六陰洞微盧仙卿  
楚所授之本已大不同繼而遇時真官則符  
篆愈異晚參之聞判官天祐及傳之呂真官  
希真玄與始全備矣呂以道法自青城而來  
江浙名動一時凡祈晴禱雨伐廟馘邪莫非  
用此呂之法書悉要而簡其序云七十二階  
附體無出溫瓊耐久而有始終捷疾而易感  
應明是非辯邪正千變萬化極為要妙不過  
丙丁生鬼一符用之不同耳不宜兼司貴乎  
獨用持煉莫怠祭醮莫缺專心一致無叩不  
靈余行之既久專守呂之言罔敢或失乃知  
萬法易動莫如地祇地祇勇猛無越溫將蓋  
害思之召天神必自天門而降召雷神必自  
中天而來巽戶而至召鄴都則自地戶而出  
維地祇帥將時靈只在眼前召之則在于陽

聞平安而來畧無障礙末學之士專務貪高每卑地祇之法謂人間之神不足治強邪蕩究崇殊不思地祇乃靈寶侍衛之官受命上清護玄帝教神通至大豈輕易可言耶蓋不知其趣耳奈其派多而雜其書久而訛不得

其全私意妄議復謹招愆而不自知也余自幼至老備歷諸難頗知地祇之功用威猛捷疾莫出瓊右英武靈異莫如巡應尋聲聽察則去疾也惟溫瓊一將超乎其上者乃東蒼之精肝腑之真膽官之靈吸九炁於東華而運之於瞻想五靈真炁於身中而藏於腎清炁上騰濁炁下降自然和合龍虎交戰會同而成膽中之神膽為一身之雄腎為一身之根肝乃青靈九炁之所聚火則火旺於丙丁腎主水水能生金金水會木則能生能尅生尅全則能變化變化無窮則膽之神全矣若能運日坎月離之造化成陽一陰二之真機則吾身之造化與溫將合為一體及夫修煉之功非一言之可盡嗚天鼓於子午運一默於坎離想亦黑二炁炁合交騰現虛危五星

於兩手吸紫炁呼玄霧目視蓬玄空同之天見鐵自銀光而出入藏之青樓玉室施於雲篆金章久則專於一藏則顯諸用得其說特易易耳豈淺陋者可語是乎虛靖先生曰法中至靈無如溫瓊上世宗師不授於人者恐

其易感通而輕泄怠慢也溫將乃平陽縣溫家塢人每見世路不平常懷切齒生平皈依大道輔正除邪公忠正直與他將不侔余來沈漢多歷年數今以其傳授之於吳園黃君景周書此以冠卷端秘而寶之幸也肯寶佑  
六稷先天節日述  
地祇緒餘論

余生得數最奇自束髮後頗能操觚習舉子業始冠而失恃先君微福於緇黃教因苾芻祖仁性宗洞達過從余家語及大藏與旨雖未能由頤門而覺然好生一念三教殊途而同歸因得以管窺天隱顯之機陰陽變化之理幽明有無相關之脉絡暇時取釋氏語錄一覽作為文字幾髮髻逃禪越一二年為父師所知悉取其文東彼爇火自後又專心場

屋之文奈青冥垂翅功名竟墮甌矣丁未冬鵠原稔疾二豎子告急乃從事於道法一符而頃刻奏功通真達玄之趣有關於此後乎憂患屢見叩之大則大鳴小則小應憤排一念研單七年方受雷霆符水又七年請練頗

熟蹊隧稍通內外之神炁出入慣鬼神之變化情態識行持之要妙十得其一二又奏受地祇諸階之法而宗派不同師授各異詭訣增減以偽易真元本倒亂認本為末江湖以搬取苟利初傳以淺陋僞師又豈知求其簡捷不在文繁要其心傳亦多面受今世傳日下學者愈多而得者愈少姑以地祇一司之法謾者緒餘論與同志商畧之求其指歸焉初制地祇經云凡人崇枯貴賤得失屈伸否泰善惡吉凶皆屬東岳並係地祇巡遊世間混雜往來中界一念始舉地祇即錄分毫功過報應即行法人最要修身處世上待下無一欠缺操履既正將帥自然扶持符水自然靈驗幽冥自然無業累地祇福報應只在眼前尤當謹畏諸行法官指地祇為小鄧

都正謂此也。最病於慕高指地祇一法為下階。假如靈寶淨明法品雖為上上然。署衙必稱忠孝弟子。殊不思能行此兩字者百無一二。有此實行方可稱靈寶法師。以此言之。雖法品手何有。至如修真十戒。乃本於業報。因緣經行法固難責其全戒。然豈可不行其七八行。其三四如戒邪淫。戒慳貪。最為緊切。一邪淫則氣不固。一慳貪則欲火自炎。無所不至。矣。經云。姦邪淫偽。殺害。淫貪。姦妬。偷盜。強取。並屬地祇糾記。又云。地祇至靈。毫髮無私。嶽曹行報時刻不差。行地祇法者。當倍加警省。毋忽有源斯流。行法須明。派派不真。則將不正。何謂不正。假如江湖法友。偶墮窮途。雖有此文元。無撥受名。曰保明。奏度實則無將。可傳鬼神。因而盜名竊位。而為將其害不可勝言。而招因果。亦不勝其重。地祇一司之法。實起教於虛靖天師。次顯化於天寶洞主王宗敬。真官青城吳道顯。真官青州柳伯寺仙官果州成惠鍾。明真人相繼而為宗師。其後如江浙閩蜀湖廣嗣法者。何限。姓名昭揭。寧

幾人。其書始則有石碑。本繼則有鐵林。府地祇原公夫人廟地祇五雷地祇五虎地祇。索于地祇十字地祇。四兜地祇。聖府地祇。即後後則有蘇道濟派。温州正派。李蓬頭派。過曜御派。玄靈續派。如此等類。數之不盡。千蹊萬徑。源析支分。使學者莫之適從。求其中的起根本而已。第精微在秘呪。而均有魯魚之誤。要妙在心章。而悉皆獵臘之說。乖字面之正音。失符篆之筆法。活訣則倒亂甲乙之位。存神罔知出入之途。求其法之靈否矣。雖然。嗣法者。派得其真。文失其實。而將吏亦能顯靈。者有數說。或因與道有緣。或以前生夙契。或以至誠感動。至如接派。非其得度。將失其正。而將吏雖響應於一時。必無收拾於後日。學者三省斯言。當知所警。

琴巽豈作念呪了不亦謬乎。如此乖訛。以訛傳訛。不可勝記。至於九字召訣。九字役訣。亦不離乎掌中學者詳論。而用之又以驗否。而參之孰是。地祇法中諸呪。如烏東上將呪。丙丁之君呪。人皆知之。要妙不在乎是。如岱嶽開道呪。東嶽內諸人不知之也。王元帥呪。不過十一字。張元帥呪。七字及五字。而已。溫將軍呪。不過十字。為至玄。二十八字。為至真。年來法官。雖有二十八字。而字面既訛。訣目又差。音義又舛。有一字而兩音者。有梵語非口傳不可得也。除心章秘呪之外。則考附不在此數內。甚而召呪誤為心呪。心呪誤為轄呪。轄呪誤為遣呪。如此之數。非一言可殫。地祇法諸符。如丙丁生鬼符。急捉符。治病符。皆是虛靖天師所傳。合以初本為正。後來江湖法官。出新奇。以誘後進。增符篆。詔初傳如丙丁生鬼符。變為丙丁生鬼三變。為主鬼。大失虛靖之初傳。與靈咒法中一真符。以一本而化十本。以誤人無以異也。丙丁一符。元無



散形則有要妙至知急提一符最為緊切則散形少真造化失傳滅而又滅矣兩符一增一減是非判然欲求其靈鮮矣至如浙本諸符近來傳之愈多第恐虛靖出此法時未必有許多也要知傳得一符便將試驗得靈方是真本他皆不敢妄置議論

地祇法最易感動只在乎專於一則萬事畢若用心不專持鍊不專後使不專雖得此法其心二用亦無全功吁不特地祇一法他階亦然此法造化千變萬化又在乎天蓬一呪。呪發諸心出諸口應于訣訣運乎掌合乎呪。應乎罡罡動乎足契于北斗合乎竅竅存乎身發于內運合乎神神全悉定一呼一吸外將內神若合符契則形神俱妙此非筆舌之可彈四目老翁有地祇法中一讚能一唯而悟之者亦可以得其髣髴矣併錄于後  
五炁玄元真 演法度迷津 像外無法像  
真中求至真 迷悟在心悟 心靈法自靈  
神本無所法 生神心自生 我心若專一  
神明隨心行 至理本無說 至道本無言

有像皆為偽 神靈須我靈 欲透妙中妙  
寂靜觀內心 內外無毫滯 透洞心無心  
心已無名像 自然起仙廷 抱一成真一  
道遠登太清

後跋

道無形無名不可得而言有言非道也况以法言乎老子所謂道可道非常道名可名非常名今法以道名豈管窺蠡測之可知也紫陽天子論動靜無端陰陽無始乃天之道陽本動陰本靜流動乃人之道也人蓋未始離乎天亦未始離乎人吾儒之道老氏之道一也散之萬有歛之一身自無極而至於太極由太極入於無極陰陽互根變化無窮知此斯可以語吾儒之道知吾儒之道斯可以語老氏之道知老氏之道斯可以悟道中之法李商隱詩云釋中稱定慧儒著誠明冰分示三教理詣無三名此之謂也夫自然然而然方謂道法今之世學之者如牛毛成之者若麟角以術眩法竊道之名以假售真失道之

妙因利溫將軍傳故著緒餘一論求質於與道合真之士庶乎千羊之皮不如一狐之腋必有賞音羊裘喜歌得其味同其嗜者又知善通而遠至命而宮應矣毋諉曰學射三年未教汝噉鐵法嘗咸淳十年甲戌歲天貺節黃公瑾拜書

劉清卿事實

清卿姓劉氏名世仍法諱玉世為河朔人中興勳臣跡之孫因勳葬臨川其父養於豐城因家焉受祖蔭承信郎幼慕清虛年未弱冠棄官從事道法遍歷江湖捐貲無所靳泰禮名師初行小四直符水繼行靈官鄴郡地祇考附悉有靈著後因養浩盧君伯善來江西以諸法付度于徐洪李洪季以所得授清卿清卿得法方從盧遊伯善歿于洪李家悉雖絕體甚溫無敢封殮三日忽懸視諸弟子惟清卿在焉語之曰我以三事當入鄴都一母死不奔喪二邪經敗真輕慢道法三改摘呪訣傳授非人汝法欲何階吾於汝當無隱却須帥諸法友箋天救我免入鄴都清卿以神

霄中獨體金火天丁一階爲請盧悉以心章  
隱諱內鍊秘訣傾囑付之筆錄才竟諸弟子  
輻輳則盧復瞑目化去清卿自後朝斯夕斯  
念茲在茲不過此耳單符隻將千變萬化所  
向無前凡禱祈敲伐刻日動雷皆出于十手  
目之所指視其救危難則多用玉天心章七  
十二塚訟章三十六塚訟章萬法不救告急  
皂章其保生治病驅邪則多用神霄告斗傳  
忱捧表只一天丁大意此一身之造化上衆  
神霄九天之梵炁中分北斗九皇之真光下  
含舍生火旺之九變傳之者迨數百人得其  
說者未之一見余昇高自下歷階而越十餘  
年間得其說十之七八而時乎未遇清卿早  
仙遂稽奏授不啻如入寶山空手回矣石笋  
山海門洞河南先生一見清卿笑云武當殿  
上香錢爲公使去能記邪公不能答乃知清  
卿因此墮落人間不知仙去還歸根復位否  
生平性怪奇奇落魄滑稽性能強記嘗觀雲  
笈七籤終身不忘談三界中隱曠人所不知  
之事歷歷如指諸掌於地祇一司之法亦其

平生受用其序中教繹可謂深切著明矣刊  
以爲後學之指迷并撫平生大槩于後以顯  
其功用江西黃公瑾書

道法會元卷之二百五十三

正一天師清微弟子 洪百堅 製作



道教學術資訊網站

道法會元卷之二百五十四

東嶽溫太保考召秘法

靈文序

太保乃東嶽統兵天下都巡檢掌急取人  
案典主姓溫名瓊溫州平陽人也年方一  
紀稟性平直容貌異常不治世事不務營  
家諸書一覽無遺陰陽造化無不洞曉及  
長不娶不破天真一夕遇神人入身披金  
甲執劍祝曰子稟性不凡東嶽奏上  
天帝差汝充東嶽都統兵太保子須立生  
容於嶽下然後必得魂神附歸太保禮謝  
神人速命工塑容於東嶽行宮殿下日夕  
參帝願遷化後魂歸泥身靈通普濟一日  
至殿下忽見泥身變面青色紅髮獠牙金  
眼自此不離步側立化時人以其身供養  
灰布如塑像變形凡有告求無不副心因  
西蜀葉天師借嶽兵叔管瘟疫之鬼太保  
現身叙說乃事願與擒捉救病安民蜀民  
不經月皆獲痊愈後復現身曰願輔佐天  
下法官行持捉崇治病今有符文秘法望